



**R. P. Antonii De Escobar Et Mendoza, Vallisoletani,
Societatis Iesv Theologi, Vniversæ Theologiæ Moralis,
Receptiores Absqve Lite Sententiæ nec-non
Problematicæ Disquisitiones ... Volumen ...**

Triplex Statvs; Ecclesiasticvs, Religiosus, & Sæcularis

**Escobar y Mendoza, Antonio de
Lugduni, 1663**

Caput 3. De Archiepiscopo.

[urn:nbn:de:hbz:466:1-80707](https://nbn-resolving.org/urn:nbn:de:hbz:466:1-80707)

CAPVT II.

De summo Praefule.

13
Papae
Christiani
Pastor po-
puli, vnde
dictus.

SUMMVS Praeful dictus est Papa quasi Admirabilis à Papæ interiectione admirantis, eo quod Vicarius ac Christi Domini dei Filij, cuius est terra, ac plenitudo eius. Et quidem totius Christiani populi Pastor, omnium caput Ecclesiarum. Episcoporumque omnium Episcopus ex Christi institutione. Clem. Roman. de iureiur. Sylu. v. Papa n. 1.

14
A Christo
Domino
eius proue-
nit iurisdic-
tio.

Papæ iurisdicção non confertur à Cardinalibus per electionem, sed postquam huiusmodi personam suffragiis solitis designarunt, à Christo Domino prouenit vi promissionis factae diu. Petro c. Mat. 6. Vnde obseruatum semper fuit, vt à nemine iudicari, aut deponi possit, nisi notoriam labatur in haereticum, saltem postquam ab Ecclesia est declarata. Suarez libro quart. de Legib. capite 7. Layman. lib. 1. tractat. 4. cap. 6. §. 1. numero 6. & 7.

15
Errare non
potest in
decretis si-
dei, quæ totius
proponit
Ecclesiae.

Profecto quamuis quo ad suam personam in haereticum etiam notoriam possit incidere: tamen ob dei prouidentiam errare non potest circa decreta Fidei vniuersalia, seu circa ea, quæ toti proponit Ecclesiae, quamuis sine Episcoporum Concilio. Neque in præceptis circa mores versantibus, nec circa res ad salutem necessarias, vel quæ per se bonæ, aut malæ sunt. Quia si Pontifex in his Fidei, aut morum decretis erraret, tota Ecclesia in errorem contra Fidem, aut Christianam doctrinam in errorem posset induci, quod est impossibile. Layman. libro secund. tractat. prim. cap. septim. numero prim. & secund. Bannes 2. 2. quæstio. prim. articulo 10. dub. secund. Azor. part. 2. libro 5. cap. 5. & omnes.

16
Secus in
diuindicandis
particularibus
quæstionibus,
quæ de facto
sunt.

Potest autem errare etiam vt publica persona indiuiduandis particularibus quæstionibus, quæ plerumque de facto sunt. Quia assistentia, ac directio Sancti Spiritus Petro, ac successoribus est promissa in ordine ad Ecclesiam, ne eam in errorem inducant: cuius rei periculum nullum est in decretis particularibus ad vniuersam Ecclesiam non pertinentibus Bellarm. lib. 4. de Pontif. capite 2. Bannes 2. 2. quæstio. 1. articulo 10. dub. 6. conclus. 4. Coruba l. 4. quæstio. 1. propos. 10. de Pontificis potestate circa censuras ferendas, circa impedimentorum matrimonij dispensationem, & circa alia innumera dissero in tract. de Beneficiis, de censuris, de casibus reſeruat. de dispensationibus, de Indulgentiis, de Simoniacis, de voto, de Ordine, de Irregularitate, & alibi sepe.

CAPVT III.

De Archiepiscopo.

Postquam Archiepiscopus à sede Apostolica Pallium accipit, fit Ordinarius ac superior suffraganeorum, siue coepiscoporum provinciae, vtis precipere, eoque ad officium negligentes compellere valeat. Cap. Nisi, de auctor. & vsu Pallij Cap. soliciudinem de appel.

In causis tamen criminalibus maioribus depositionem merentibus, re cum Provincia libus Episcopis cognita, ad sententiam definitam aduersus Episcopum non potest sine sedis Apostolicæ autoritate procedi. Capit. 2. de translat. Episc. Imo iure nouo non solum condemnatio contra Episcopum, sed etiam cognitio, ac processus in criminalibus, quæ depositionem, vel priuationem merentur, soli summo Praefuli est reſeruat. & inferioribus interdictus. Cap. Inquisitores, de haer. in 6. Trid. sess. 24. cap. 5. Nau. lib. 2. consil. 1. de foro comper.

In subditos coepiscoporum Archiepiscopus iurisdictionem non obtinet, nisi in triplici casu à iure expresso. Primò, si ab Episcopo ad ipsum appelletur, (non tamen obſolam negligentiam Episcopi, nulla interposita à partibus appellatione) ad Archiepiscopum iurisdicção deuoluitur. Propterea Archiepiscopus non potest adiri per viam quærelæ per subditos suffraganeos sui, nisi ipse consentiat. Cap. Duo simul, de offic. Ordinari. Secundò dum Provinciam visitat (quod libere facere potest iure communi, etsi nulla Episcopi negligentia intercedat, sed cum limitatione Trident. sess. 24. c. 3.) potest provincialium confessiones audire. Cap. 1. de offic. lega. Cap. significasti, de foro comper. Item iubere, Cracem ante se deferri, ac populo benedicere, etiam in locis Provinciae alioquin exemptis. Clement. Archiepiscopo, de priuileg. Tertiò, ei absolute permissum est, intra suam Provinciam indulgentias concedere iuxta Lateranensis Concilij limitationem. Cap. nostro, de panis.

Quando vult provincialia condere statuta, synodum Episcoporum ea de causa debet congregare, in eaque tanquam decanus in re debet Capitulo præſidere. Et quod in synodo fuerit quando decretum, renouare, immutare, in eodè dispensare nequit, cum sit superior synodo, seu Concilio Episcoporum, à quibus, & potest indicata. Conter. ri. Suar. de legib. l. 6. c. 15. Sanchez. de matr. l. 8. d. 17. n. 36. Cap. Nullus primas 9. q. 3. de Archiepiscopi autoritate plura Quaranta scribit in sum. Bullar. 7. Archiepiscopi autoritas, quæ quidem omitto, quia ad conscientiam pertinere non video.

CAPVT